

2017-imi sulisorineqarsinnaasut

2017-imi agguaqatigiissillugu qaammammut sulisorineqarsinnaasut 27.271-iusimapput. Taakkunanga 25.413-it sulisimapput 1.858-it suliffissaaleqisimasut. 9.313-it sulisorineqarsinnaasimangillat, taakku najugaqavissut 18-it 65-illu akomanni ukiullit sisamararterutingajarivaat.

Takussutissiaq 1. 2017-imi sulisorineqarsinnaasut aamma suliffissaaleqisut procentingorlugit

	Sulisorineqarsinnaasut			Sulisorineqarsinnaanngitsut	Kalaallit Nunaanni najugaqavissut ²	Suliffissaaleqisut procentingorlugit
	Katillugit	Suliffeqarneq	Suliffissaaleqisut ¹			
	Inuit					Pct. —
Katillugit	27.271	25.413	1.858	9.313	36.584	6,8
Angutit	14.917	13.908	1.009	4.498	19.415	6,8
Arnat	12.355	11.506	849	4.814	17.169	6,9
Illoqarfinni	23.885	22.364	1.521	7.911	31.796	6,4
Nunaqarfinni il.il.	3.386	3.049	337	1.402	4.788	10,0

Najoqutaq: Naatsorsueqqissaartarfip kisitsisaataasivia: <http://bank.stat.gl/ARNSTK1> aamma <http://bank.stat.gl/ARNLED3>.

Malugiuk: akunnaallisitsineq pillutaalluni takussutissiami katinneri allaanerussaapput.

Nassuiaatit:

1) Agguaqatigiissillugu qaammammut suliffissaaleqisut, qaammammi pineqartumi suliffeqarsimasutut aamma suliffissaaleqisutut nalunaarutigineqarsimasut [ilanngunneqanngillat](#).

2) Ukiup aallartinnerani aamma ukiup naanerani Kalaallit Nunaanni najugaqarsimasut Kalaallit Nunaanni najugaqavissuupput. Inuit ukiup naanerani 18-it 65-illu akomanni ukiullit kisimik naatsorsuutinut ilanngunneqarput.

2016-imut sanilliullugu 2017-imi sulisorineqarsinnaasut 378-inik amerlanerupput. 2017-imi januaarip aallaqqaataani utoqqalinersiaqalersussat ukiui qaffanneqarneri pissutaalluni sulisorineqarsinnaasut ukiui 64-iniit 65-inut qaffanneqarmata sulisorineqarsinnaasut 276-inik ilasimapput. Angutit sulisorineqarsinnaasut 109-nik ilasimapput arnat 269-inik ilasimasut. Illoqarfinni sulisorineqarsinnaasut 439-nik amerlatsissimapput nunaqarfinni 62-inik ikilisasut.

Takussutissiaq 2. Sulisorineqarsinnaasut suaassutsinut najugaqarfinnullu immikkoortillugit

	2013	2014	2015	2016	2017
	Inuit				
Katillugit	27.021	26.764	26.844	26.893	27.271
Angutit	14.829	14.621	14.745	14.808	14.917
Arnat	12.193	12.143	12.099	12.086	12.355
Illoqarfinni	23.526	23.346	23.395	23.446	23.885
Nunaqarfinni il.il.	3.497	3.418	3.448	3.448	3.386

Najoqqutaq: Naatsorsueqqissaartarfiup kisitsisaataasivia. <http://bank.stat.gl/ARNSTK1>.

Malugiuk. 2017-imi januaarip aallaqqaataani 66-inik ukiullit utoqqalinersiaqartalerput siusinnerusukkat 65-inik ukiullit utoqqalinersiaqalersartut. Taamaattumik 2017-imi sulisorineqarsinnaasut, Kalaallit Nunaanni najugaqavissut sulisut aamma suliffissaaleqisut 18-it 65-illu akornanni ukioqarput. Ukiuni siuliinit sulisorineqarsinnaasut 18-it 64-illu akornanni ukioqartarput!

2017-imi suliffissaaleqineq aamma sulisorineqarsinnaasut-ni

Naatsorsueqqissaartarfiup maanna saqqummersitaanni tamakku atuarneqarsinnaapput. Kisitsisitigut paasissutissani sulisorineqarsinnaasut qanoq isikkoqarnerisa ersersinneqarnissaat siunertaavoq, suliffeqarnerlu pillugu kisitsisitigut paasissutissanut (decemberip qiteqqunnerani saqqummersinneqartumut) aamma suliffissarsiortutut nalunaarsukkanut, kommunit nalunaarsuineri tunngavigalugit Naatsorsueqqissaartarfiup qaammatikkaartumik saqqummersittaagaannut ilassutaallutik.

Saqqummersitaq Naatsorsueqqissaartarfiup nittartagaani www.stat.gl-imi atuarneqarsinnaavoq aamma pdf filinngorlugu downloaderneqarsinnaavoq. Aammattaaq Naatsorsueqqissaartarfiup kisitsisaataasivianut bank.stat.gl-imut suliffissaaleqineq aamma sulisorineqarsinnaasut pillugit kisitsisinik sukumiinerusunik aallertoqarsinnaavoq.

Paasissutissanik itinerusumik paasisaqarusuttut Naatsorsueqqissaartarfiup pisortaanut Anders Blaabjergimut saaffiginnissinnaapput oqar. 34 57 81.